

Notat frå arbeidsgruppe ved Samnanger barneskule

Bakgrunn

Kommunestyret i Samnanger kommune vedtok 03.12.20 budsjett 2021 og økonomiplan 2021-2025. Til budsjettvedtaket kom i tillegg følgjande verbalpunkt:

Det vert sett ned ei gruppe som arbeider med gode og konstruktive løysingar for innsparingar i skuledrifta med tanke på økonomiplanen, i samsvar med skisse lagt fram av rådmannen. Målet må vera å halda oppe den pedagogiske kvaliteten i skulen og leggja vekt på eit godt arbeidsmiljø.

KS- 104/2020 Vedtak:

Samnanger kommunestyre vedtek formannskapet sitt budsjettframlegg for 2021 med følgjande endringar:

- Avsetning til skulematorordninga vert redusert med 300.000. Ordninga vert tilsvarende nedskalert, og ikkje basert på produksjon av måltid ved Samnangerheimen.
- Det vert ikkje sett av midlar til ei kommunikasjonsrådgjevar / organisasjonsrådgjevarstilling. Dette gjev ei innsparing på ytterlegare 640.000 i 2021.
- Eigedomsskatt frå kraftverk vert auka med 1,6 millionar kroner, per prognose.
- Låneopptak vert redusert frå 23 mill. til 18 mill. kroner.
- Investeringsstilskot til soknerådet vert auka frå 200.000 til 290.000. Auken på 90.000 vert finansiert ved ubunde investeringsfond.

Dei frigjorte midlane på driftsbudsjettet vert disponert slik:

- 1.000.000 kroner samla auka til skulane, til fordeling ved rådmannen.

Presiseringsvedtak gjort i kommunestyret 28.01.2021:

KS- 003/2021 Vedtak:

Kommunestyret presiserer at det kan nyttast inntil 1 mnok ekstra ved skulane i budsjettåret 2021, dersom dette er naudsynt for å få til ein god prosess og ein mjukare overgang. For budsjettåra 2022-2024 legg ein til grunn at innsparingane er gjennomførte i tråd med vedteken økonomiplan.

Arbeidsgruppas vart sett saman av:

Ingebjørg Aadland Olsnes, tillitsvald, Samnanger barneskule
Eli Kristin Berge, rektor, Samnanger barneskule
Inge Aasgaard, avdelingsleiar, Samnanger barneskule
Trond Sandvik, avdelingsleiar, Samnanger barneskule
Bodil H. Øpstebø, sektorleiar oppvekst, Samnanger kommune
Ingebjørg Vamråk, rådmann, Samnanger kommune
Øyvind Østerås, leiar FAU

Metode

Arbeidsgruppa diskuterte seg fram til ei forståing av mandatet. Den valde strategien vart å ta utgangspunkt i krav, lover og forskrifter og setja opp kva ressursar som må til for å ivareta desse krava og vurdera dei i høve til rammene ved Samnanger barneskule.

Arbeidsgruppa hadde fire fysiske møter og to elektroniske møter på Teams.

02.02.2021 fysisk
15.02.2021 fysisk
09.03.2021 fysisk
25.03.2021 teams
13.04.2021 teams
01.06.2021 fysisk

Resultat

Rektor gjorde ein stor innsats saman med sine leiarkollegaer og administrative tilsette for å koma fram til ein «timesøknad» basert på krav i lov og forskrift. Timesøknaden syner kva stillingsprosentar som krevst for lærarstillingar gitt talet på elevar for skuleåret 2021/2022. I tillegg er timar brukt på assistentar brote ned på årsak, slik at assistenttimebruken kjem fram.

Rektor har også gjort ei endring på dagsrytmen på skulen for å leggja til rette for ein meir effektiv ressursbruk. Endringa er godkjend av verneombod, tillitsvalde og samarbeidsutvalet.

Timesøknaden opnar for ein reduksjon av om lag 1,5 årsverk lærarstilling og 3,4 årsverk assistentstillingar samanlikna med i dag våren 2021. Dette utgjer om lag 3,4 millionar kroner inkl. sosiale kostnader/feriepengar.

Det er konsensus i arbeidsgruppa om følgjande punkt:

- Arbeidsgruppa opplever at politikarane i Samnanger ynskjer ein god skule i Samnanger, og me veit at alle medlemmane i arbeidsgruppa ynskjer dette.
- Arbeidsgruppa forstår at Samnanger kommune har ein vanskeleg økonomisk situasjon, og treng å driva ein god skule på ein kostnadseffektiv måte.
- Timesøknaden viser eit minimum av kva lærarkrefter som er naudsynt for å sikra ein god barneskule i Samnanger i tråd med krav i lover og forskrifter pr dags dato.
- Timesøknaden viser ein vesentleg redusert bruk av assistenttimar samanlikna med i dag, kutt med over 3 årsverk.
- Timesøknaden bør leggjast til grunn for utarbeiding av økonomisk ramme for skulen. Ei redusert ramme samanlikna med dette vil gjera det



Samnanger kommune

- der du vil leva og bu -

utfordrande å sikra ei forsvarleg drift av skulen som tek i vare krav i lover og forskrifter med den elevmassen ein vil ha i 2021-22.

- Arbeidsgruppa erkjenner at det historisk sett ikkje har vore eit godt nok samsvar mellom ressursbehov ved barneskulen og budsjettet for skulen. Føreslegne reduksjonar i budsjettet har ikkje vore knytt til kva konsekvensar dei vil få i organisasjonen.
- Eit av klassetrinna kan samlast som ei elevgruppe til hausten 2021 og ha tilgang til to klasserom. Arbeidsgruppa føreslår at skulen piloterer korleis dei kan nytta ulike delingar av denne gruppa i dei enkelte faga for ein effektiv ressursbruk. Ordninga bør evaluerast midt i og ved slutten av skuleåret. Resultatet frå forsøket kan gje innspel til om det kan vera fordelaktig å opna opp nokre av veggane mellom klasseromma, som vart føreslått i samband med Økonomiplanen 2021-2025. Arbeidsgruppa rår til ikkje å gjera fysiske endringar på skulen før skulen sjølv har pilotert og evaluert denne løysinga.
- Arbeidsgruppa ynskjer at rådmannsnivået og skuleleiinga lager ein struktur til den årleg prosess med ein timesøknad.
 - Prosessen starter med drøfting av kvalitet og mål.
 - Utarbeiding av timesøknad.
 - Ein administrativ runde i kommunen med utarbeiding av økonomisk ramme/premisser som gjev avklaring av personell behov for komande skuleår.
 - Drøfting med samarbeidspartener i skulen. (FAU, SU/SMU, tilitsvalt)
 - Skuleleiing uttaler seg til rådmannen om eventuelle konsekvens av justerte budsjetttrammer.
 - Endeleg vedtak skal gjerast og eigast av politikarane.

Ved endringar i grunnlaget i timesøknaden, som ikkje kan løysast innafor budsjetttramma, handsamast som budsjettjusteringar.